



# БЕКЕТ

Республикалық қоғамдық-саяси газет

№01 (156) сәрсенбі 15 қаңтар 2025 жыл

Газет айына екі рет шығарылады

E-mail: jolai-beket@mail.ru

## СЕНАТ ДЕПУТАТТАРЫ ШАРДАРАДА

ҚР Парламенті Сенатының депутаты Әли Бектаев, Мұрат Қадырбек пен Алишер Сатвалдиев Шардара ауданына іссапармен келіп, индустриалды аймақта орналасқан "Казкрахмал" жүгеріні терең өңдеу зауытының құрылыс жұмыстарымен танысты. Зауыттың қуаты 150 мың тонна жүгері дәнін терең өңдеуге қауқарлы. Жүгеріні терең өңдеу нәтижесінде түрлендірілген крахмалдың 20-дан астам түрін, мальтоза және глюкоза балшырындарын, глютен, жүгері майын, ұрық, кебек, түйірленген құрама жем шығарады деп күтілуде. Бұдан бөлек, крахмал-глюкозалық қант пен тағамдық глюкозаны шығаратын болады. Жобаның жалпы құны 35 млрд. теңгені құрайды. Жобаны іске қосу 2 кезеңнен тұрады. Бірінші кезеңмен дәнді дақылдарды сақтау және кептіру кешенінің құрылысы аяқталған. Екінші кезеңмен крахмал-сірне жабдықтарын орнату жұмыстары 2024 жылы басталған, ағымдағы жыл соңына дейін құрылыс жұмыстарын толық аяқтап, өндіріс орнын іске қосу көзделіп отыр. Бүгінгі таңда құрылыс жұмыстарының 40 пайызға жуығы аяқталған. Зауытты іске қосу арқылы 500 адамды тұрақты жұмыспен қамтуға мүмкіндік болады.

«Міне, Президентіміз айтқандай



терең өңдеу технологиясын дамыту осындай кәсіпорындарды құруға жағдай жасап, көптеп салумен жүзеге асады. Өңірдің әл-ауқатын көтеруге маңызы зор зауыт салынууда. Бұл ең алдымен импорттық тәуелділіктен арылтады. Себебі, еліміз шамамен жылына 530 мың тоннаға жуық қантты сырттан алады. Бұл кәсіпорын іске қосылған соң импортталатын қанттың мөлшері азайып, шамамен 230 мың тоннадай сырттан келетін қанттың орнын крахмалды шырындарымен алмастыруға мүмкіндік аламыз. Сондықтан ең бірінші ішкі нарықты қамтамасыз етуді ойлап, мұндай кәсіпорындарды іске қосу арқылы елдің экономикасын

өртараптандыруға, импортқа тәуелділікті азайтуға және бәсекеге қабілеттілікті арттыруға оң ықпалын тигізеді дер едім.

Тағы бір айтатын мәселе, жылда Түркістан облысы бойынша мақта өсіруші шаруашылықтардың шикізат өніміне сұраныстың аздығы және баға төмендігі. Ал, мұндай мәселелерді түбегейлі шешу үшін өңірде мақта кластерінің дамуы үлкен маңызға ие. Мақтаныда терең өңдеп, тоқыма және тігін өнеркәсібін құруға бетбұрыс жасауымыз қажет» - дейді Әли Бектаев.

Сенаторлар мұнан кейін, Шардара қаласындағы күрші зауытының жұмысымен және Мемлекет басшысы Қасым-Жомарт

Тоқаевтың бастама-сымен оқу орындарының тапшылығын шешуге, апатты мектептерді және үш ауысымды оқытуды жоюға бағытталған «Жайлы мектеп» ұлттық жобасының Шардара ауданында іске асырылу барысымен танысты. Сенаторлар Шардара қаласындағы заманауи пәндік кабинеттермен, кең жолақты интернет, жаңа модификацияланған робото-техника кабинеттерімен жабдықталған "Жайлы мектепті" аралап шығып, мектеп ұстаздарымен сұхбаттасты. Сенат депутаттары оқушылардың сапалы білім алуларына толық жағдай жасалғанын, жоғары және бірінші санатты мұғалімдер құрамының пайыздық үлесін, педагогикалық қызметкерлердің біліктіліктерін арттыруға мүмкіндік беретін жайлы мектептің 29-ы Түркістан облысына, ал оның 2-і Шардара ауданында бой көтергенін атап өтті.

Жұмыс сапарын қортындылаған сенаторлар өңірде қолға алынған жобаларды сәтті іске асыруға және атқарылуы тиіс жұмыстарды елордаға барған соң, тиісті мемлекеттік құзырлы мекемелермен сараптай отырып, шешілу жолдарын талқылайтынын жеткізді.

**Шардара ауданы әкімінің баспасөз қызметі.**

## ӨЗЕКТІ МӘСЕЛЕЛЕРДІ ТАЛҚЫЛАДЫ



ҚР Парламенті Мәжілісінің депутаты Қырықбаев Темір Базарбайұлы Мақтаарал ауданына жұмыс сапарымен келіп, өңірдегі өзекті мәселелерді тұрғындармен кеңінен талқылады.

Ең алдымен, «AMANAT» партиясының Мақтаарал ауданы бойынша 2023-2027 жылдарға арналған сайлауалды бағдарламасын орындау жөніндегі жол картасы аясында құрылысы жүргізіліп жатқан Жаңажол ауылдық округіне қарасты Нұрлыжол елді мекеніндегі 200 орындық «Нұрлы жол» жалпы орта мектебінде болып, құрылысы баяу жүріп жатқан нысанның мәселелерін қарады.

Мұнан соң халық қалаулысы аудандық партия филиалының

мәжіліс залында, азаматтардың арыз-өтініштері бойынша қоғамдық қабылдау өткізді.

Қоғамдық қабылдауға аудан әкімі Б.Асанов, облыстық мәслихатының депутаты Ж.Қанаев, аудан әкімінің орынбасары Н.Саттаров, аудандық мәслихат төрағасы Қ.Сәрсекбаев, «AMANAT» партиясы Мақтаарал аудандық филиалының төрағасы М.Сәрсенов, аудандық мәслихат депутаттары, дербес бөлім басшылары, тиісті сала басшылары, кенттер мен ауылдық округ әкімдері, БАҚ өкілдері және ауыл тұрғындары қатысты.

Халық қалаулысының қабылдауына келген аудан тұрғындары спорт кешенін салу, ФАП құрылысы, тік дренаждар,

арық-атыздарды тазалау, қабылданып жатқан заңдар бойынша және мақта заңын қабылдау жөнінде өзекті мәселелерді көтерді.

Өз кезегінде халық қалаулысы мәселе көтерген әрбір тұрғынды мұқият тыңдап, қойылған сұрақтар бойынша тиісті сала басшыларымен талқылап, қанағаттанарлық жауаптар берді. Жергілікті жерде шешілетін мәселелерді дереу қолға алуды тапсырып, республикалық деңгейде шешілетін мәселелерді Парламент төрінде көтеретінін жеткізді.

Мәжіліс депутатының ауданға жасаған іс-спарының кезекті кездесуі аудандық мәдениет үйінде өтіп, өткен жылда атқарылған және алдағы уақытта атқарылатын жұмыстарын баяндау және ұсыныс-тілектерді тыңдау бойынша жалғасын тапты.

Кездесуге келген 100-ден аса аудан тұрғындары мәжіліс депутатына аудан үшін өзекті болған мәселелерді көтеріп, жазбаша өтініштерін берді. Сонымен қатар, кездесу соңында ИДЖЖ-2 жобасындағы өзекті мәселелермен танысу бойынша жиын өтіп, жоба барысында туындаған мәселелер мен ұсыныстарды сала мамандарымен кеңінен талқылады.

**Мақтаарал ауданы әкімінің баспасөз қызметі.**

## МЕКТЕПТЕРДЕ БЕЙІНДІК СЫНЫПТАР АШЫЛАДЫ

Мемлекет басшысының Жарлығымен 2025 жыл Жұмысшы мамандықтарының жылы болып жарияланды.

Жұмысшы мамандықтардың маңыздылығын арттыру, техникалық және кәсіптік білім беру жүйесін реформалауды жүзеге асыру мақсатында Үкімет Жұмысшы мамандықтарының жылын ұйымдастыру жөніндегі республикалық жоспар бекітті, оған қоса Министрлік кәсіптік-техникалық білім беруді трансформациялаудың 2025-2027 жылдарға арналған Жол картасын бекітті.

Іс-шаралар жоспары 7 бағыт пен 70 қадамды құрайды, оның ішінде өңірлік ерекшеліктерді ескере отырып, Жаңа мамандықтар атласын әзірлеу, кәсіптік бағдар беру тұжырымдамасын жүзеге асыру, техникалық және кәсіптік білім беруді трансформациялау, кәсіби білікті кадрлар даярлау, сапалы жұмыс орындарын құру, жұмысшы кадрлардың құқықтарын қорғау, және мәртебесін көтеру қамтылған. Кәсіпорындармен бірлесіп мектептерде 1000 бейіндік сынып ашылады.

«Кәсіптік бағдар берудің реформасы оқушыларға еңбек нарығындағы жаңа талаптар туралы білуге, экономиканың нақты секторларындағы мансап перспективаларын бағалауға және мамандықтарды дұрыс таңдауға мүмкіндік береді. Бұл үшін мектептердегі кәсіби бағдарлау қызметі күшейтіледі, осы арқылы оқушылар толығымен кәсіби диагностикамен қамтылады. Жоғары сынып оқушыларын практикалық дағдыларға және колледждер базасында алғашқы жұмыс кәсібіне оқыту тәжірибесі енгізіледі», - деп атап өтті оқу-ағарту министрі Ғани Бейсембаев.

Бүгінде елімізде кәсіптік-техникалық білім беру жүйесінде 772 колледж жұмыс істейді, онда жарты миллионнан астам студент оқиды. 2024 жылдың қорытындысы бойынша техникалық және кәсіптік білім берудегі мемлекеттік тапсырыс көлемі 143 мың орынға ұлғайды, ал студенттердің стипендиясы екі есеге өсті.

**ҚР Оқу-ағарту министрлігі.**